

12. Oktober 2015

UKA 2015/62/111/138

Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut tunngaviusumik inatsisissamik piareersaasussanik ataatsimiititaliussasut.

(Inatsisartunut ilaasortaq Per Rosing-Petersen, Partii Naleraq)

Tunngaviusumik inatsisissamik piareersaanermi ataatsimiititaliamik pilersitsinissamik UKA-2011 Inatsisartut isumaqatigiittut Naalakkersuisunut suliakkiissutaata aallarnisaqqinneqarnissaanik nalunaarusiamillu suliaqarnerup naammassineqarnissaanik Naalakkersuisut suliaqaquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Kalaallit Nunaata Tunngaviusumik Inatsisissaanik suliaqartussamik isumalioqatigiissitamik kingusinnerpaamik 2016-ip naalernerani Naalakkersuisut pilersitseqqullugit peqquneqarnissaanik Inatsisartut Aalajangiiffigisassaattut siunnersuut.

(Inatsisartunut ilaasortaq Jens ImmanuelSEN Siumut)

Siumumiit aalajangiiffigisassatut siunnersuutitut immikkoortunut pingasunut ukununnga immikkoortoq 62 Per Rosing Petersen Parti Naleqqamit siunnersuutigineqartoq, immikkoortoq 111-imut Aqqaluaq B Egede Inuit Ataqtigiit siunnersuutigineqartumut aammalu immikkoortoq 138-imutn Jens ImmanuelSEN Siumumit siunnersuutigineqartumut imaattumik oqaaseqassaagut:

Ukiuni qulikkaani arlalinngortuni nunatsinni innuttaasut nunatta naalagaaffinngornissaa sulissutigaa. Eqqortussaq anguniarlugu inuiaat Kalaallit naalagaaffinngornissaq anguniarparput. Soorluttaaq siunnersuuteqartut assersuutinik arlalissuarnik ilanngussussimasut, sooq namminiilivinnissatsinnik anguniagaqarnitsinnik ersersitsisunik. Ataasiakkaarlugit siunnersuuteqartut oqaaseqaataat oqaaseqarfiginngikkaluarlugit oqaatigissavara Siumup aallarnerneqarnerminiilli anguniagarimmagu inuiaat nammineersut imminullu napatittut pilersissallugit. Siumumiimmi nunatta Naalagaaffinngornissaanik anguniagaqarnerput ingerlajuarpog, sulilu Naalagaaffinngornissarput angutserlugu ingerlassalluni.

Una iluatsillugu eqqaarusuppara inuusuttorpassuugatta nunatta naalagaaffinngornissaanik takorluuilluta sorsuuteqartuusugut. Misigerusuppugut nunatsinnit atorfissaqartinneqarluta, angujumavarpullu misigalugu nunatta naalagaaffittut akuerisaanera, qularutiginnilaralu maanna inuusuttuusugut

utoqqartatsinnut ernumasitserusunnginnerput, taamaamat inuusuttoqatikka manna oqaluttarfik aqutigalugu kajumissaarusuppakka eqqartueqataaqullugit.

Nunattalu namminiilivinnissamat piareersarneranut Siumumiit pingaaruteqarluinnartutut isigaarput maannamiit aallartereernissaq, tassanilu siunnersuuteqartut siunnersuutaat pingaaruteqarluinnarpoq, tassaasoq Nunatta tunngaviusumik inatsiseqalernissaanik isumalioqatigiissitamik pilersitsinissaq.

Namminersorneq eqqunneqarmat inuiaasugut Kalaallit kiffaangissuseqalerpugut, namminiilivinnissatsinnik nammineerluta inuiattut aalajangersinnaanngorluta. Taamaamat naalagaaffinngoriar-tornissamat piareersaatit pingaaruteqarluinnartut ilagaat tunngaviusumik inatsisissamik piareersima-titsisareernissaq.

Tunngaviusumik inatsisip sunik imaqarnissaa uani tikissanngilara.

Tunngaviusumik inatsisiliornissaq annertuvoq piffissaqarfingeqartariaqarporlu. Piffissanngorporlu suliamik aallartitsinissaq.

Siumumiit, siunnersuuteqartut siunnersuummini tunngavilersuutaat isumaqatigaavut, tassami tamarmik siunertarimmassuk Nunatta nammineerluni tunngaviusumik Inatsiseqalernissaa. Siumumiilli Jens Immanuelen Siumumeersup siunnersuummini kingusinnerpaamik aappaagu ukioq 2016 naatinnagu pilersitsisoqarnissaanik siunnersuuteqarnera Siumumiit ilaleratsigu oqaatigissavarput. Taamatuttaaq oqaatigissavarput isumalioqatigiissitap ilusissaa aammalu inuttalersorneqarnissaata sinaakktassai siammasissumik eqqarsaatigilluakkamillu suliarineqarnis-saat inassutigissagatsigu.

Siumumiit Naalakkersuisut allannguutissatut siunnersuutaat paasivarput Nunatta tunngaviusumik Inatsiseqalernissaa pillugu 2016-imi isumalioqatigiissitamik pilersitsisoqarnissaanut kinguarsaataanavianngitsoq, taammaattumik Siumumiit inassutigaarput Naalakkersuisunit allannguutissatut siunnersuutigineqartoq Siunnersuutigineqartunut ilanngullugu Inatsisartut Inatsisinut Ataatsimiititaliaannit siunnersuutinik aappasaanerinnginnermi suliarineqassasoq.

Ineqi Kielsen, Siumut

